

Ita aprende husi Jezús sai paun ne'ebé silu ba maun-alin sira

Knananuk: Eukaristia

Silénsiu

G: Eukaristia hahú husi dook. Trigu musan ne'ebé kuda ho kuidadu; ne'ebé mate no dodok iha rai okos no husi uvas fuan ne'ebé aseita atu hanehan rahun. Trigu musan no uvas nia fuan mak símbolu Jezús nia moris nian, maibé mós ita ida-idak nian ne'ebé realiza iha don an rasik nian.

Harohan ho Liafuan

Koru 1: “To’os na’in ida ba kuda to’os. Fini balun monu iha rai di’ak hodi fó fuan” (Mt 13, 3.8).

Koru 2: “Trigu musan ne'ebé monu ba rai la mate karik, nia hela mesak; maibé mate karik, nia fó fulin barak” (Jo 12, 24).

G: Trigu nia fariña de’it la to’o... ita presiza husi atu Na’i tua nia fermentu atu halo ita-nia moris loroloron nian bele sai boot, nune’e iha kbiit atu fó sasin ba Evanjellu ho forsa no barani. Ita mós presiza masin atu fó sabór nakonu ba moris ne'ebé mai husi Kristu.

Koru 1: “Reinu lalehan nian hanesan fermentu ne'ebé feto ida kahur ho fariña sasukat tolu, to’o nia sa’e didi’ak” (Mt 13, 33).

Koru 2: “Imi la hatene katak fermentu uitoan de’it mak halo masa tomak sa’e? Ne’e duni, soe tiha fermentu tuan, atu imi bele sai masa foun, basá imi paun ne'ebé fermentu la iha” (1Cor 5, 6b-7a).

Koru 1: “Imi masin rai nian, maibé masin lakon karik nia meer, nia sei hameer an oinsá? Nia la soi ona ba buat ida, soi de’it atu soe ba li’ur, ema atu sama” (Mt 5, 13).

G: Ingrediente sira seluk mesak de’it la to’o atu fó paun, presiza bee, elementu esensiál ne'ebé permiti atu “kahur” elementu sira seluk no nakfilak iha buat úniku ida: paun. Ilas ne’e fó hanoín mai ita katak hodi husik de’it atu hala’o serbisu no mori shamutuk ho maluk sira, iha sinodalidade, mak sei bele harii Maromak nia Reinu.

H: “Ema ne'ebé hemu bee ne’e, sei hamrook fali; maibé ema ne'ebé hemu bee ne'ebé Ha’u sei fó, sei la hamrook tan, basá bee ne'ebé Ha’u fó ba nia sei sai iha nia nudar be matan ne'ebé suli ba moris rohan laek” (Jo 4, 13-14).

G: Ne’e mak paun: rezultadu husi trigu musan ki’ik-oan sira. Paun halo atu ema han, sai ai-han ba ema seluk. Nune’e mós mak tenke sai mai ita.

Lori paun ba altár

H: “Keta serbisu atu hetan ai-han ne'ebé mohu, maibé ba ai-han ne'ebé hela ba moris rohan laek; ai-han ne'ebé Oan Mane sei haraik ba imi” (Jo 6, 27).

Knananuk: One bread, one body – S-170

***One bread, one body, one Lord of all. One cup of blessing which we bless.
And we, though many, throughout the earth, we are one body in this one Lord.***

1. Gentile or Jew, servant or free, woman or man, no more.
2. Many the gifts, many the works, one in the Lord of all.
3. Grain for the fields, scattered and grown, gathered to one, for all.



G: Atu moris ita presiza ai-han materiál, husi ita nia serbisu loroloron, maibé ih amós Paun seluk ne'ebé ema presiza atu moris nu’udar Maromak oan sira: Eukaristia.

L1: Jezús, ha’u Nai, ha’u harohan, haraik mai ha’u paun domin nian, paun haraik-an nian, paun obediénsia nian.

L2: Na’i ha’u Maromak, haraik mai ha’u, paun kbiit nian atu halo nabeen ha’u-nia hakaran no atu sai ida de’it ho Ita-nia hakaran.

L3: Jezús ha’u Makso’in, haraik mai ha’u paun kore-an nian husi kriatura sira no paun pasiénsia nian atu aseita fuan nia terus sira.

L4: Jezús, haraik mai ha’u Paun moris nian atu ha’u aprende atu hadomi de’it mak Ita, liu ema no buat hotu no ba nafatin.

(Fó tempu ba orasuan pesoál no hafoin kontinua ho vésperas).

Knananuk final: Ubi caritas